

ԱՐՄԱՎԻՐԻ ՀԻՄՆԱԴՐՄԱՆ ՊԱՏՄՈՒԹՅՈՒՆԸ

ԼԵՎՈՆ ՊՈՂՈՍՅԱՆ

Ռուսահայ գաղթավայրերի պատմության մեջ իր ուրույն և ուշագրավ տեղն ունի Արմավիրը: Այն հիմնադրվում էր այնպիսի ժամանակաշրջանում, երբ արդեն գոյություն ունեցող ռուսահայ գաղթավայրերն աստիճանաբար զրկվում էին ունեցած արտոնություններից, կորցնում իրենց դատա-վարչական ինքնավարությունը և հավասարեցվում համառուսական պետական և դատական իրավակարգին:

Զերբեզահայերի և, հիմնականում, Արմավիրի պատմությունը մանրամասն գրի է առել Ֆ. Շչերբինյան, օգտագործելով Արմավիրի դյուղական վարչության արխիվային նյութերը¹: Այսօր, երբ նշված արխիվից գրեթե ոչ մի փաստաթուղթ չի պահպանվել, Ֆ. Շչերբինյայի աշխատությունը, փաստորեն, այդ նյութերը պատճենող միակ նմուշն է:

Արմավիրի և հատկապես շերբեզահայերի պատմության ուսումնասիրման առումով հետաքրքիր է նաև վաստակաշատ բանասեր-պատմաբան Ե. Շահազիզի «Զերբեզիա կամ Զերբեզիստան և Զերբեզահայք» անտիպ աշխատությունը²: Ե. Շահազիզը օգտվել է Ֆ. Շչերբինյայի աշխատությունից: Նրան բազմապիսի թվական ու փաստական տվյալներ են հաղորդել նաև արմավիրահայերը:

Զերբեզահայերի և Արմավիրի պատմությանն անդրադարձել են նաև Հ. Խոսրովյանցը³, ռուսական բանակի սպա Ի. Իվանովը⁴, Ռ. Բեզ-ժրգնկյանը⁵, ռուսական բանակի զնդապետ Կ. Ստալը⁶, Պ. Բուտկովը⁷, Ս. Զալալյանցը⁸, Լեոն⁹, Շահան-Ախմեդը¹⁰ և ուրիշներ:

Սովետահայ պատմագրության մեջ այդ հարցի շուրջ առանձին հոդված-

1 Ф. А. Щербинна, История Армавира и черкесско-гаев, Екатеринодар, 1916. Ֆ. Շչերբինյան շերբեզահայերին անդրադարձել է նաև «История Кубанского Казачьего Войска» երկհատոր աշխատությունում (Եկատերինոդար, 1913):

2 Ե. Զարենցի անվան գրականության և արվեստի թանգարանի (այսուհետև՝ ԳԱԹ) արխիվ, «Զերբեզիա կամ Զերբեզիստան և Զերբեզահայք» (ց. 1, ք. I, գ. № 10):

3 Ստոնեպարան, ձեռ. № 9621, 1792, 4597:

4 И. Иванов, Армавир («Кавказ», 1850, № 45, 46); его же, Армави́рские армяне («Ставропольские губернские ведомости», 1853, № 14, 1855, № 5—12).

5 ԳԱԹ, հավաքածու, պատմական մաս, գ. 8, Ռ. Բեզ-ժրգնկյան, Զերբեզահայք (անտիպ):

6 «Этнографический очерк черкесского народа». Составил ген-штаба подполковник С т а л ь в 1852 г. («Кавказский сборник», т. 21, Тифлис, 1900, стр. 79).

7 П. Г. Б у т к о в, Материалы для новой истории Кавказа с 1722 по 1803 г., СПб., 1869, ч. II, стр. 169, 230.

8 Ս. Զալալյանց, Ճանապարհորդություն ի Մեծն Հայաստան, մասն Բ, Տփլիս, 1858, էջ 453—456:

9 Լեոն, Հովսեփ կաթողիկոս Արղուսյան, Թիֆլիս, 1902, էջ 207—209:

10 Շահան-Ախմեդ, Արմավիրի քառաձայն երգերի խմբի հուշարձանը, Թիֆլիս, 1914:

ներով հանդես է եկել Խ. Փորքշեյանը, հիմնականում անդրադառնալով հայերի՝ Չերքեզիա կատարած գաղթի տարեթվի որոշմանը, շոշափելով նաև դադութի հիմնադրմանը վերաբերող մի շարք հարցեր¹¹։

Մեր երկրի արխիվներում պահվում են բազմաթիվ նյութեր, որոնք հնարավորություն են ընձեռում Արմավիրի պատմության հարցերի բազմակողմանի ուսումնասիրման համար։

Ուսումնասիրողները դեռևս միասնական կարծիքի չեն հայերի՝ Արևմուտյան Կովկասում բնակվելու ժամանակի հարցում։ Ըստ Ի. Իվանովի, հայերը գաղթել են Ղրիմից և Արևմուտյան Կովկասում վերաբնակվել XVII դ. կեսերին¹²։ Աննշան չափով են տարբերվում հոսսրովյանցի, Ս. Ջալալյանցի և Ռ. Բեգ-Նրզնկյանի կարծիքները հայերի՝ Չերքեզիա կատարած գաղթի վերաբերյալ։ Ռ. Բեգ-Նրզնկյանը ընդհանրացրել է նախորդների կարծիքները, նշելով, որ «նախնիք Չերքեզահայոց երեք հարիւր ամօք առաջ (այսինքն, XVI դ.— Լ. Պ.) եկան, որ էլք ի զանազան տեղեաց ի Ղրիմայ յԱնի քաղաքի գաղթականաց, յԱնատուխայ ի Հայաստան է և ի Վրաստան է և տոհմական անունակոչութիւնք նոցա բացահայտ ցուցանեն թե ո՞րք և յո՞ր ազգատոհմն է հատուածեալ յառանձին ժամանակս, տոբպեալք ի զանազան ապարադուտութիւնից իբրև վերջին ապաստարան մուտ գործեցին ի մէջ լեռնականս...»¹³։

Ֆ. Շչերբինսկան գտնում է, որ հայերի գաղթը Չերքեզիա տեղի է ունեցել Հայաստանից՝ XIV դ. վերջին¹⁴, իսկ ըստ Ե. Շահաղիզի՝ «չերքեզահայություն առաջին և հնագույն զանգվածը բուն Հայաստանից դուրս եկած և Չերքեզիայի լեռները հասած և այդտեղ բնակություն հաստատած մի առանձին, անկախ գաղթականություն չի եղել, այլ Ղրիմի մի փոքրիկ հատվածը, հետագայում արդեն Ղրիմից եկած և այդտեղ հաստատված»¹⁵։

Խ. Փորքշեյանը հենվելով Չերքեզիայում պեղված և հայերին վերագրվող մի քանի հուշարձանների և պատահական գտածոների վրա, եզրակացրել է, որ չերքեզահայերն ընդհանուր տարագրության բեկորներն են, որոնք X—XI դդ. բնակություն են հաստատել Թամանի թերակղզում և Հյուսիսային Կովկասի լեռնային շրջաններում¹⁶։

Իսկ ի՞նչ են դրում դաղթի մասին իրենք՝ չերքեզահայերը։ Արմավիրահայերի խնդրագրերից մեկում ասվում է. «...դեռևս 16-րդ դարի վերջին մեր նախնիները դուրս են եկել Ղրիմից և բնակվել լեռնցի տարբեր ցեղերի շրջանում...»¹⁷։ Մեկ այլ վավերագրում նշվում է, որ չերքեզահայերի նախնիներն ինչ-որ ժամանակ ապրել են պարսկական տիրույթներում, այնուհետև վերաբնակվել են Ղրիմի թերակղզում, իսկ հետո թողնելով Ղրիմը, անցել են Հյուսիսային Կովկասի լեռները՝ առևտրով զբաղվելու նստատեղում¹⁸։ Տարեց

11 Խ. Ա. Փորքշեյան, *Երբ և որտեղից են հայերը գաղթել Չերքեզիա (Պատմա-բանասիրական հանդես)*, 1959, № 2—3; X. A. Поркшеян, Происхождение черкесов и основание города Армавира (ՀՍՍՀ ԳԱ «Լրաբեր», 1971, № 5)։

12 Ի. Իվանով, Армавир («Кавказ», 1850, № 45)։

13 Ռ. Բեգ-Նրզնկյան, *Նշվ. աշխ.*, էջ 93։

14 Փ. A. Щербина, История Армавира и черкесо-гаев, стр. 177։

15 Ե. Շահաղիզ, *Նշվ. աշխ.*, էջ 7։

16 ՀՍՍՀ ԳԱ «Լրաբեր», 1971, № 5, էջ 75։

17 Մատենադարան, կաթողիկոսական դիվան, թղթ. 185, վավ. 78։

18 Государственный архив Краснодарского Края (в дальнейшем ГАКК), ф. 774, оп. 1, д. 216. л. 206—206.

չՋրքեզահայերի վկայությամբ «հայերը շերքեզների մեջ մտել են ժն դարում մեջ, 1475 թ. երբ օսմանցիք տիրանում են Խրիմին և սկսում անխնա կոտորել, հայ մեծամեծները իրենց հետ տանելով ստվար խմբեր, գաղթում են Մուղավիա և Հեհաստան, ահա այս ժամանակներում է, որ հայերը Ղրիմից ջոկ-ջոկ ժամանակները քիչ-քիչ դուրս գալով մտել են շերքեզների մեջ, ուր դեռ իսլամը անծանոթ էր շերքեզներին»¹⁹, Փաստորեն շերքեզահայերն իրենց համարում են Ղրիմից գաղթածներ կամ ինչպես սիրում էին արտահայտվել՝ նոր նախիջևանցիների արյունակիցներ, որոնց հետ Ղրիմում ժամանակին ապրել են իրենց նախնիները: Գաղթի ժամանակի հարցում տարբեր տարեթվերի, անգամ դարերի հիշատակությունը հավանաբար առաջ է եկել այն պատճառով, որ հայերի բնակեցումը շերքեզաբնակ վայրերում տարբեր ժամանակներում կատարված գաղթի և աստիճանական վերաբնակության արդյունք է: Այդ է վկայում և այն փաստը, որ հայ ընտանիքները ցրված են ապրել շերքեզական առվերում²⁰, XIX դ. սկզբի մի զինվորական զեկուցագրի համաձայն՝ «լեռներում չկար մի գյուղ, որտեղ չապրեին մի քանի հայ ընտանիքներ»²¹:

ՉՋրքեզիայում հայերը շերքեզ ազնվականներին՝ ուղղեններին, հավասար արտոնություններ և իրավունքներ են ունեցել, իսկ ի՞նչը ստիպեց հայերին լքել իրենց վաղեմի բնակատեղիները ՉՋրքեզիայում, հրաժարվել արտոնություններից (այդ թվում և ճորտեր ունենալու իրավունքից) և գաղթել ուսական սահմանները: Կիսաքրիստոնյա և կիսահեթանոս շերքեզական ցեղերը, որոնց մեջ ապրում էին հայերը, XVIII դ. սկզբներից թուրքական սուլթանի հրամանով Կովկաս ժամանած մահմեդական քարոզիչների դրամամբ աստիճանաբար մահմեդականություն են ընդունում: XVIII դ. վերջին լեռնցիների մեջ հայտնվում է Շեյխ-Մանսուրը՝ մահմեդականության տարածման պատերազմով լեռնական ժողովուրդներին Ռուսաստանի դեմ հանելու նպատակով²²:

XIX դ. առաջին կեսի Կովկասի քաղաքական կյանքին լավատեղյակ հայագետ Ժովակալ Լ. Սերբերյակովի վկայությամբ, լեռնցի ժողովուրդների մոտ հայրենիքի հանդեպ տածած սիրուն ավելանում է մեկ այլ, Արևելքում առավել ուժեղ՝ հավատը պաշտպանելու զգացմունքը²³:

Ռուսների առաջխաղացումը դեպի Կովկաս կանխելու գործում շերքեզները հարմար և ամուր պատենջ էին Թուրքիայի համար: XVIII դ. վերջերից Արևմտյան Կովկասի նվաճման համար մղվող պայքարում շերքեզական ցեղերի կրոնական մոլեռանդության հետևանքով շերքեզահայերի համար ծանր կարգություն է ստեղծվում: Ն. Աշտարակեցուն բաղված նամակներից մեկում Լ. Սերբերյակովը գրում է, որ մահմեդական ցեղերի շրջանում ապրող և քրիստոնեական հավատը դավանող հայերը զրկված են եկեղեցական արարողությունների

¹⁹ ՀՍՍՀ պետական կենտրոնական պատմական արխիվ (այսուհետև՝ ՀՍՍՀ ՊԿՊԱ), ֆ. 57, ց. 1, գ. 337, թ. 4:

²⁰ Центральный государственный исторический архив СССР (в дальнейшем ЦГИА СССР), ф. 1090, оп. 1, д. 133, л. 1.

²¹ «Акты Кавказской археографической комиссии» (в дальнейшем АКАК). т. 6. ч. 11, стр. 451.

²² Н. Данилевский. Кавказ и его горские жители в нынешнем положении. 1846, стр. 118.

²³ «Բանբեր Հայաստանի արխիվների», 1973, № 1, էջ 50:

կատարելու հնարավորությունից, իսկ նրանց մի մասը ոչ մի կրոն չի դավանում²⁴։

Հայերը լավ էին գիտակցում այն տնտեսական առավելությունները, որ սպասում էին նրանց ռուսական սահմանները տեղափոխվելու դեպքում։ Նրանց սյուսկերացման մեջ վառ էր մի շարք արտոնություններից օգտվող իրենց հայրենակիցների՝ նոր նախընտանցիների, օրինակը։ Վերջիններիս հետ շերքեզահայերը շփվում էին առևտրական գործարքների ժամանակ։ Արևմտյան Կովկասի նվաճման համար մղվող պայքարում շերքեզահայերի համակրանքն ակնհայտորեն ռուսների կողմն է եղել։ XIX դ. սկզբի զինվորական պաշտոնական վավերագրերից մեկում նշվում է, որ լեռներում ապրող հայ քրիստոնյաների կողմից ռուսական զորքերին ցուցաբերված ծառայության համար անհրաժեշտ է նրանց դուրս բերել մահմեդական ցեղերի միջից և վերաբնակեցնել Հյուսիսային Կովկասի հարթավայրային շրջաններում²⁵։ Չերքեզահայերը ռուսներին օգնում էին ոչ միայն տնտեսական գործարքներում, այլև տեղեկություններ էին հաղորդում շերքեզների տեղադրության, զինական ուժի մասին, զենք ու փոխադրական միջոցներ տրամադրում և այլն։ Հայերի դեմ սկսված կրոնական հալածանքների և թունությունների ժամանակաշրջանում, երբ կային նաև արտաքին նպաստավոր պայմաններ, շերքեզահայերի գաղթը դեպի ռուսական սահմանները ավելի իրական հիմքերի վրա է դրվում։ Կովկասի ռուսական իշխանությունները հետամուտ էին այդ խնդրի իրականացմանը՝ հետապնդելով որոշակի քաղաքական և տնտեսական նպատակներ։ Ամենից առաջ հայաբնակ ավանի հիմնումը և նրա բնակիչներին որոշակի արտոնությունների շնորհումը վարակիչ ազդեցություն կունենար դեռևս լեռներում բնակվող ոչ միայն հայ, այլև հույն, հրեա և նույնիսկ շերքեզ բնակչության համար։

Կովկասյան մարզում հայաքաղաք հիմնելու և հայերի թիվը ավելացնելու խնդիրն առաջ էր եկել դեռևս XVIII դ. 80-ական թվականների սկզբներին, երբ Պ. Պոտյոմկինը նշանակվում է կովկասյան կորպուսի հրամանատար²⁶։ Վերջինս անգամ բնակատեղի է նախատեսում հայերի համար²⁷։

Հայերին հովանավորելու և նոր գրավված շրջաններում բնակեցնելու հարցը ռուսական կառավարող շրջանների ուշադրության կենտրոնում է եղել XIX դ. ամբողջ առաջին կեսի ընթացքում։ Այդ մասին Կովկասյան մարզի պետի 1840 թ. դեկտեմբերի 21-ի զեկուցագրում նշվում էր, որ անհրաժեշտ է շուտափույթ ձեռք բերել կայսերական թուլյությունը՝ ռուսական սահմաններում հաստատված հայերին զինապարհակից ազատելու վերաբերյալ, քանի որ հայերը, որոնք դժկամությամբ են նայում այդ հարցին, կարող են լեռներում բնակվող իրենց հավատակիցներին ներշնչել, որ նրանք ևս ռուսական սահմանները տեղափոխվելով կենթարկվեն զինասարտության և, հետևաբար, վերջիններս կմնան լեռներում²⁸։ «Մարզում ստեղծված... հանգամանքների պատճառով,—դրում է Կովկասյան մարզի պետը,—հատուկ միջոցներ են

²⁴ Վ. Միքայելյան, Ն. Աշտարակեցու և Լ. Սերբերյակովի նամակագրությունը (ՀՍՍՀ ԳԱ «Լրաբեր», 1973, № 10, էջ 107—108)։

²⁵ Մատենադարան, կաթողիկոսական դիվան, Թղթ. 238, վ. 160։

²⁶ В. Потто, Кавказская война..., т. I, вып. I, СПб., 1887, стр. 125—132.

²⁷ П. Г. Бутков, նշվ. աշխ., էջ 169։

²⁸ ЦГИА СССР, ф. 1286, оп. 7, д. 678, л. 53 об.

ձեռնարկվում այս ժողովուրդների հետ խաղաղասիրական հարաբերությունների հաստատման համար, Կառավարության մշակած այդ ձեռնարկումներին և վերջնական նպատակին հասցողությամբ հասնելու համար մեծապես գործակցում են... կովկասյան մարզի հայերը»²⁹:

Անդրկուրանյան հայերի նկատմամբ կառավարության հովանավորող քաղաքականությունն, ուներ այլ նպատակ: Չերքեզիային լավագույնս և ռազմական գործին հմուտ չերքեզահայերն օգնում էին լեռներում ռուսական առանձին շոկատների առաջխաղացմանը, հետախուզական աշխատանք կատարում, մեծապես նպաստելով ռուսական զինքի հաղթանակին: Բացի այդ, Կուրանի բարեբեր սեահողերում գործունյա և աշխատասեր հայ բնակչության հաստատումը կարող էր նպաստել տշ միայն մարզի, այլև հարևան շրջանների անտեսության զարգացմանը: Գններալ Գոլովինի մի զեկուցագրում ասվում է, որ «...նախատեսված վայրում հայերն ընդարձակ միջոցներ կգտնեն երկրագործությամբ և անասնապահությամբ զբաղվելու համար, առևտրի ու արդյունագործության մեջ ունեցած նախաձեռնության շնորհիվ նրանք շուտով կարող են ամրապնդել իրենց բարեկեցությունը, անգամ նպաստելով անդրկուրանցիների շրջանում արդյունագործության տարածման գործին»³⁰: Մեկ ուրիշ պաշտոնական զեկուցագրում, նկատի ունենալով չերքեզահայերի բնակեցումը Կուրանի մարզում, նշվում է, որ առևտրական և արդյունագործ ազգաբնակչություն ունեցող քաղաքների հաստատումը անհրաժեշտ է մարզի զարգացման և ծաղկման համար³¹:

Մինչև XIX դ. 30-ական թվականները չերքեզահայերի գաղթը և Ռուսաստանի գրաված շրջաններում նրանց վերաբնակեցումն անկազմակերպ ու տարերային բնույթ է կրել: Գաղթել են առանձին ընտանիքներով, երբեմն հույների և արդեն ռուսական հպատակություն ընդունած չերքեզական ցեղերի հետ միասին: Չերքեզահայերը երկու անգամ՝ 1791 թ. և 1825 թ. ցանկություն են հայտնել տեղափոխվելու Նոր Նախիջևան³², սակայն ինչ-ինչ պատճառներով դա չի իրականացել: XVIII դ. 80-ական թվականների կեսերին չերքեզահայերին Նոր Նախիջևան տեղափոխելու ևս մեկ փորձ է վերագրում Խ. Փորթալյանը: Նա գրում է. «Գրիգորի Պոտյոմկինի համաձայնությունը ստանալով, արքեպիսկոպոսը (Հովսեփ Արղունյանը—Լ. Պ.) սկսում է գաղտնի բանակցություններ վարել չերքեզահայ ղեկավարների հետ: Նրանց ներկայացուցիչները հրավիրվում են Նախիջևան, ուր նրանց սրտաբուխ են դիմավորում ...քաղաքն այնքան է դուր գալիս նրանց, որ նրանք բննարկման դրեցին Նախիջևանում չերքեզահայերի վերաբնակեցման հարցը: Սակայն դա Նախիջևանցիները չցանկացան»³³, Խ. Փորթալյանը մատնանշում է մի փաստաթուղթ, որը, սակայն, վերաբերում է ոչ թե XVIII դ. 80-ական թվականներին, այլ 1859—1860 թթ., և որ չերքեզ ցեղերի մեջ ապրող 200 հայեր և հույներ թույլտվություն են խնդրում տեղափոխվել Նոր Նախիջևան, բայց վերջինիս մագիստրատը մերժում է այդ խնդրանքը, պատճառաբանելով, որ դա

²⁹ Նույն տեղում, թ. 53:

³⁰ АКАК, М 385, стр. 445.

³¹ Центральны́й государственны́й исторический архив Груз. ССР (в дальнейшем ЦГИА Груз. ССР), ф. 7, оп. 1, д. 479, л. 5.

³² П. Г. Бутков, *նշվ. աշխ.*, էջ 169, Ե. Շահադիզ, *նշվ. աշխ.*, էջ 119:

³³ ЗУУЗ ԳԱ «Լրաբեր», 1971, № 5, էջ 68:

կարող է բացասաբար անդրադառնալ մի շարք արտոնություններից օգտվող լինիկ նախնիքականների համար³⁴։

XIX դ. 30-ական թվականներից Կովկասի զինվորական կառավարչությունը ձեռնամուխ է լինում շրջագահայերին ռուսական սահմաններում վերաբնակեցնելու գործին։ Գաղթի կազմակերպիչ է նշանակվում Կուբանի զորքերի սը թեկի հրամանատար գեներալ-մայոր Գ. Զասսը։ Սկզբում գաղթում են հաթուկացիների մեջ ապրող հայերը և առանձին բնակավայր հիմնում Կուբան գետից հարավ՝ Կազանսկայա ստանիցայի դիմաց, Ռշկունդուկա (Ռշկունդիպս) կոչված վայրում³⁵։ Այս գաղթը տեղի է ունեցել 1830 թ.³⁶։ Որպեսզի հայերն ընդմիջտ ապահով լինեն շրջագահների հարձակումներից, Գ. Զասսը 1839 թ. հայերին (անշուշտ վերջիններիս խնդրանքով) Կազանսկայա ստանիցայից փոխադրում և բնակեցնում է այժմյան Արմավիրի տեղում³⁷։ Հաջորդը գաղթում են գյուղահարկայինները, որոնք 1836 թ. տեղափոխվում են Կուբանի ռուսական սահմանը և միայն 3 տարի հետո վերջնականապես հաստատվում Արմավիրում։ Ի վերջո, գաղթածների այս երկու խմբերին են միանում նաև եգեբուհակցիների և հակուհարկայինների մեջ ապրող հայերը։

1839 թ. գարնանը, Կուբան գետի ձախ ափին՝ Պրոչնի-օկոպ ամրոցի դիմաց, շրջագահայերին հատկացված տեղամասում, վերը հիշատակված չորս խմբերն առանձին-առանձին հիմնում են իրենց թաղամասերը՝ Գյուղահարկ, Հաթուկայր, Եգեբուհարկ և Հակուհարկ, որոնց անունները ավանդական են և պաշտոնական գրությունների մեջ ոչ գործածական³⁸։ Նորահաստատ հայ բնակավայրի մասին Գ. Զասսը Աստրախանի հայոց հոգևոր թեմի առաջնորդ Սերոբյան արքեպիսկոպոսին գրում է, որ կարողացել է լեռնային շրջաններից Կուբանում վերաբնակեցնել 300 հայ ընտանիքներ, որոնք այժմ բնակվում են Կուբանի ձախ ափին՝ Պրոչնի-օկոպ ամրոցի դիմաց և ռազմական ու քաղաքացիական տեսակետից ապահովված են ամեն ինչով³⁹։ Ըստ երևույթին, տեղի ընտրությունը կատարվել էր շրջագահայ պատվավոր ծերունիների և Գ. Զասսի համատեղ որոշմամբ։ Այն հաջող էր ընտրված ոչ միայն պաշտպանական, այլև երկրագործության, անասնապահության և առևտրի զարգացման տեսակետից։

Նորաստեղծ ավանը հիմնադրող շրջագահայերի թիվը մեծ չի եղել։ Արմավիրը սկզբնական շրջանում ունեցել է ոչ ավելի քան 1900-2000 բնակիչ՝ բացառապես հայեր, նրանց պատկանող շրջագահ ճորտ դուղացիներ և մի քանի մահմեդականներ։ Հետագայում բնակչությունն աճում է ինչպես բնական աճի, այնպես էլ ներհոսքի հետևանքով։ XIX դ. 50—60-ական թվականներին ռուս զրսեկ բնակչության թիվն Արմավիրում շատ աննշան է եղել։ 1859 թ. տվյալներով Արմավիրում ապրում էր ընդամենը 16 ռուս⁴⁰։ Հարկ է նշել, որ արդեն 1921 թ. Արմավիրի բնակչությունն ըստ ազգությունների հետևյալ

34 ՀՍՍՀ ՊԿՊԱ, ֆ. 139, ց. 1, գ. 1616, թ. 3, 6։

35 Ծ. Ե ա հ ա գ ի զ. Նշվ. աշխ., էջ 120։

36 ՀՍՍՀ ՊԿՊԱ, ֆ. 52, ց. 44, թ. 8։

37 Նույն տեղում, ֆ. 57, ց. 1, գ. 337, թ. 8։

38 «Արարատ», 1915, էջ 205։

39 Մատենադարան, կաթողիկոսական դիվան, թղթ. 101ա, վ. 76։

40 ГАКК, ф. 774, оп. 1, л. 216, л. 58։

պատկերն ունեւր. ռուսներ՝ 32.983, հայեր՝ 7.880 (որից 5.200-ը բնիկ շերքեղահայեր), այլ ազգութիւններ՝ 3.637 հոգի⁴¹,

Արմավիրի հիմնադրումը բնավ ռազմական նպատակ չի հետապնդել, ոչ էլ դրսեկ բնակչության աճի հետեանք է եղել, Հարց է ծագում, կարելի՞ է, արդյոք, Արմավիրը հիմնադրող անդրկուբանյան հայերին նույնացնել լեռնցի շերքեղների հետ կամ հնարավոր է նրանց համարել դրսեկներ: Ս. Չեկմենովը հայերին նույնացնելով դրսեկ բնակչության հետ, ավելացնում է, որ XIX դ. 30-ական թվականներից սկսած դրսեկների թիվը սկսում է աճել և նրանց ջանքերի շնորհիվ էլ 1837 թ. հիմնադրվում է Արմավիրը⁴², Չերքեզահայերը, որոնք 1839 թ. հիմնադրել են Արմավիրը, եղել են ոչ թե դրսեկներ, ինչպես կարծում է Ս. Չեկմենովը, այլ տեղաբնիկ շերքեզ բնակչության հայ քրիստոնյա հատվածը, որոնց չպետք է նույնացնել ոչ միայն Ռուսաստանի տարբեր շրջաններից, այլև Անդրկովկասից գաղթած բնակչության հետ: Այս սխալի հեղինակը Ս. Չեկմենովը չէ, այլ 1900 թ. լույս տեսած «Историческая справка об иногородних в Кубанской области» հոդվածի հեղինակը⁴³, որին և հավատ է ընծայել Ս. Չեկմենովը: Ժամանակին անգամ հարցն այդ ձևով չի դրվել: XIX դ. 60-ական թվականներին, երբ Ռուսիայի շրջանի բնակավայրերին հողեր հատկացնելու վերաբերյալ նախագիծ է մշակվել, Արմավիրը ժամանակավորապես դուրս է մնացել նախագծից այն պատճառով, որ հայերը, որպես քրիստոնյաներ, չեն դասվել լեռնցիների շարքը և որպես Կովկասում վաղուց բնակություն հաստատածներ, չեն նույնացվել նաև դրսեկ՝ ռուս գյուղացիության հետ⁴⁴, Ի վերջո, Արմավիրի հիմնադրումը դրսեկ բնակչության աճի հետեանք չէր, այլ քաղաքական ու սոցիալ-տնտեսական կյանքի զարգացման նոր պայմաններում հայ հատվածի սեփական նախաձեռնության և ցարական կառավարության անմիջական աջակցության արդյունք:

Արմավիրի կառուցմանն ու բարեկարգմանը մեծ օգնություն է ցույց տվել տեղի զինվորական կառավարչությունը: 1842 թ. օգոստոսի 15-ին ցարը Կովկասի զինվորական գլխավոր հրամանատարությանը հրամայում է այրված փայտաշեն եկեղեցու փոխարեն «Հայկական առուում» վառուցել քարաշեն եկեղեցի և որպես նպաստ տրամադրել 218.532 ռ. 41 կ.⁴⁵, նույն հրամանով նախատեսվում էր «Հայկական առուում» արդյունագործության զարգացման նպատակով ամեն տարի կազմակերպել տոնավաճառներ⁴⁶, 1845 թ. ավարտվում է Կուբանի երկու ափերը միացնող փայտաշեն կամրջի կառուցումը, որի ծախսը հոգացել էր նոր նախիջեանցի Ա. Հալաչյանը⁴⁷, Այսպիսով, կարճ ժամանակամիջոցում զինվորական կառավարչության աջակցության և հայ բնակչության նախաձեռնության շնորհիվ Արմավիրը աճում և բարեկարգվում է: Ի տարբերություն այլ բնակավայրերի և, մասնավորապես, նոր նա-

⁴¹ ЦГИА Груз. ССР, ф. 13, оп. 2, д. 470, л. 117 об.

⁴² С. А. Чекменов, Социально-экономическое развитие Ставрополя и Кубани в конце XVIII в. первой половине XIX в., Пятигорск, 1967, стр. 36—37.

⁴³ «Кубанский сборник», т. VII. Екатеринодар, 1900, стр. 78—79, 81.

⁴⁴ Մատենադարան, կաթողիկոսական դիվան, թղթ. 238, վ. 160:

⁴⁵ ЦГИА СССР, ф. 1268, оп. 1, д. 623, л. 11—12.

⁴⁶ նույն տեղում:

⁴⁷ Այդ մասին մեզ տեղեկություններ է հաղորդել արմավիրցի Ա. Արխանյանը:

խիջևանի հայկական գաղութի՝ Արմավիրը որպես քաղաք միանգամից չձևավորվեց, այլ աճեց և կառուցվեց աստիճանաբար և արդեն XX դ. սկզբներին Հյուսիսային Կովկասի հայաշատ ու բարեկարգ քաղաքներից մեկն էր:

Ջերքեզահայերին նվիրված ազգագրական ուսումնասիրությունների բացակայության, Արմավիրի հիմնադրման, անվանակոչության և ընդհանրապես պատմության վերաբերյալ եղած վավերագրերի ցրված և անհայտ լինելու հետևանքով որոշ ուսումնասիրողներ կասկածի տակ են առել շերքեզահայերի և Արմավիրի պատմության հետ առնչվող մի շարք հարցեր: Այսպես՝ Պ. Կրոտովն, անդրադառնալով արմավիրցիներին և Արմավիրի անվանակոչությանը, գրում է. «Մարդաբանական առումով արմավիրահայերը մեծ չափով տարբերվում են անգրկովկասյան հայերից, չնայած արմավիրահայերի մտավորականությունը համառոտ են իրենց նախնիներին դուրս է բերում Հայաստանից, վերաբնակեցումը վերագրելով XIII—XIV դդ.: Արմավիր քաղաքի անվանումը իբր թե ծագել է հայկական թագավորության նախկին մայրաքաղաքի անունից, հիմնադրված... հռչակավոր Հայկի թոռան՝ Արամայիս թագավորի կողմից»⁴⁸, Պ. Կրոտովն, ըստ երևույթին, հիմք է ընդունել Դ. Սոկոլովի հետևյալ միտքը. «Արմավիր գյուղի բնակիչները ժամանակին ճորտեր են եղել լեռնցիների մոտ, բայց գեներալ Զասսը, գրավելով անդրկուբանյան մարզը, նրանց բնակեցրել է այժմյան գյուղի տեղը և նրան տվել Հայաստանի նախկին մայրաքաղաքի անունը՝ Արմավիր: Լեռնցիները հայերին գնում էին Թուրքիայի տարբեր առևտրական շուկաներում: Ապացույցը, որ նրանց նախնիները լեռնցիների մոտ եղել են ճորտեր, այն է, որ դժվար թե գտնվի մեկը, որը փոխնա հայոց լեզուն, իսկ միմյանց հետ (արմավիրահայերը—Ղ. Պ.) խոսում են ռուսերեն կամ էլ շերքեզերեն»⁴⁹: Սակայն վավերագրերը, մասնավորապես ճորտությունից ազատված լինելը հաստատող հատուկ վկայականները⁵⁰, պարզորոշ վկայում են, որ ոչ թե հայերն են շերքեզների ճորտերը եղել, այլ հենց իրենք են (անշուշտ ոչ քոլորը) ունեցել ճորտ գյուղացիներ՝ բացառապես շերքեզներից: Հայերին պատկանող ճորտերը (յասվերները) անգամ օգտվել են որոշ արտոնություններից՝ աշխատելիս տեղը պարտավոր էր հսկել, պահպանել ճորտին և այլն⁵¹: 1859 թ. Արմավիր այցելած ցարական պաշտոնյան նույնպես հիշատակում է հայերին պատկանող ճորտերի մասին, նշելով, որ նրանք բոլորն առանց բացառության մահմեդականներ են⁵², ի վերջո, Արմավիրի հայրենագիտական թանգարանի արխիվում պահվող վերոհիշյալ վկայականներում հիշատակվում են միայն շերքեզ ճորտ գյուղացիներ և ոչ մի տեղ չի նշվում թեկուզ մեկ հայի անուն: Արմավիրահայերի մոտ հայոց լեզվի չիմացությունը Դ. Սոկոլովը համարում է ճորտության նախանշան, կատարելով երկրորդ սխալը: Արմավիր տեղափոխված շերքեզահայերի գոնե մի մասը, անշուշտ, իմացել է հայերեն: Այդ են վկայում աշխարհիկ և հոգևոր իշխանություններին շերքեզահայերի ուղղած բազմաթիվ հայիրեն խնդրագրերն ու դիմումները: 1861 թ. պաշտոնական վավերագրերից մե-

⁴⁸ «Бюллетень школьно-краеведческой секции Армавирского краеведческого общества», 1928, № 2—3.

⁴⁹ «Кубанский сборник», т. II, Екатеринодар, 1904, стр. 59.

⁵⁰ Այս փաստաթղթերը պահվում են Արմավիրի հայրենագիտական թանգարանում:

⁵¹ Բ. А. Щербина, История Кубанского казачьего войска, стр. 25.

⁵² ГАКК, ф. 774, оп. 1, д. 216, л. 47—48.

կում նշվում է, որ շերքեզահայերը, չնայած լեռնցիների շրջանում երկար տարիններ ապրելուն, Կարողացել են պահպանել իրենց լեզուն և հավատը⁵³, Այն, որ շերքեզահայերի մեջ եղել են նաև հայերենին լավագիտակ անձնավորություններ, վկայում է Մատենադարանում 7461 համարի տակ պահվող հետաքրքիր ձեռագիր աշխատությունը, գրված 1842 թ.՝ Արմավիրում, շերքեզահայ Վարդան Գևորգովի կողմից: Թեև Արմավիրում գրչության օջախ չի եղել և ձեռագիրը միակ նմուշն է, բայց, անշուշտ, Վ. Գևորգովը միակը չի եղել:

Արմավիրի հիմնադրման մասին խոսելիս հարկ է անդրադառնալ նաև ավանի անվանակոչությանը: Ռ. Բեգ-Երզնկյանն այդ առթիվ գրում է. «Բարերար գեներալն Զասսի, պաշտպանն տեղափոխեալ Զերքեղիս-հայոց, առաջարկեաց տեսուչ քահանային (Պ. Պատկանյանին—Լ. Պ.) վասն տեղոյն հայ նորաբնակչաց մի հայկական յարմար անուանակոչումն տալ: Պատմագետ տեսուչն ի սկզբան նոր աւանին անուանեաց Հայկաշէն, բայց չէր քեզա-հայք չհամաձայնեցան, որովհետև հայ բառն չէր քեզօրեն նշանակէ շուն, ուստի կոչեցին զանուն նորաբնակ աւանին Արմավիր, յանուն մայրաքաղաքին Հայոց Հայկազանց»⁵⁴, Հայկական նորաստեղծ ավանը սկզբնական շրջանում անգամ ունուն չի ունեցել և հայերով բնակված լինելու պատճառով կոչվել է «Հայկական առու» («Армянский аул»)⁵⁵, «Հետո միայն,—գրում է Ե. Շահազիզը,— 1843 թ. Ստավրոպոլի հայոց եկեղեցու քահանա տ. Պետրոս Պատկանյանի, բանաստեղծ Ռափայել Պատկանյանի հորեղբոր հոգացողությամբ և միջնորդությամբ կոչվել է նոր Արմավիր՝ հայոց հնագույն մայրաքաղաքի անունով»⁵⁶: Այն, որ ավանը Արմավիր է կոչվել Պատկանյանի առաջարկությամբ, հաստատվում է նաև այլ տեղեկություններով⁵⁷:

Այս հարցին մանրամասն անդրադարձել է Վ. Գրիգորյանը⁵⁸ և ճիշտ եզրակացրել, որ Արմավիրի «կնքահայրը» եղել է Պ. Պատկանյանը և ոչ Գաբրիել Տեր-Պատկանյանը, ինչպես սխալմամբ գտնում են Գ. Նիկողոսյանը⁵⁹ և Ռ. Պատկանյանը⁶⁰: Սակայն Ե. Շահազիզի նշած թվականը (1843) իրականությունը չի համապատասխանում: Մինչև 1848 թ. պահպանված ոչ մի վավերագրում Արմավիրի անվան մասին հիշատակություն չկա: Զերքեզահայերի բազմաթիվ խնդրագրերում և դիմումներում, գինվորական կառավարչության բազմապիսի զեկուցագրերում և պաշտոնական գրություններում նշված է «գիւղն հայոց», «Армянский аул» և այլն⁶¹:

Միայն 1848 թ. Պ. Պատկանյանի թեղադրանքով գրված խնդրագրի համաձայն ներսես Աշտարակեցիին Կովկասի փոխարքայից իրավունք է ստանում հայկական աուլը վերակոչել Արմավիր⁶²:

Այսպիսով, 1839 թ. Հյուսիսային Կովկասում հաստատված Արմավիրի հայ գաղութը օգտվելով քաղաքական և սոցիալ-տնտեսական նպաստավոր

53 Նույն տեղում, թ. 206:

54 Ռ. Բեգ-Երզնկյան, նշվ. աշխ., էջ 99:

55 Ե. Շահազիզ, նշվ. աշխ., էջ 132—133:

56 Նույն տեղում, էջ 133:

57 «Արարատ», 1851, № 26, էջ 407:

58 Քաների Հայաստանի արխիվներ, 1971, № 1, էջ 65—80:

59 «Նոր-Դար», 1891, № 63:

60 Ռ. Պատկանյան, Երկրի ժողովածու, հ. 5, Երևան, 1968, էջ 33:

61 Մատենադարան, կաթողիկոսական դիվան, թղթ. 108, վ. 402:

62 Շահան-Սիմոն, նշվ. աշխ., էջ 70:

պայմաններից, ձեռք է բերում իրավա-վարչական և տնտեսական բնույթի որոշ արտոնություններ:

Կուբանի բարերձր հողերում հաստատված Արմավիրի հայ գաղութը XIX դ. վերջերին, շնորհիվ աշխարհագրական դիրքի, առևտրի, երկրագործության, անասնապահության, արդյունագործության զարգացման նպաստավոր պայմանների և ձեռներեց ու գործունյա բնակչության, դառնում է մարզի բարգավաճ բաղաբաններից մեկը:

ИСТОРИЯ ОСНОВАНИЯ АРМАВИРА

ЛЕВОН ПОГОСЯН

Резюме

Армавирские армяне являются выходцами из Крыма. В XV—XVI вв. они поселились в Черкессии, а в начале XIX в., переселившись в долину реки Кубань, основали г. Армавир (1839).

Основание Армавира имело важное хозяйственное и политическое значение в экономическом освоении края. Исходя из этого, царское правительство всячески поощряло новопоселенцев, сохраняя за ними ряд привилегий: звание уездной, владение крепостными и т. п.

Армавир получил свое название лишь 9 лет спустя после основания—в 1848 г., по предложению Петроса Патканяна. С помощью местного военного начальства и благодаря усердиям армян Армавир начинает быстро расти и развиваться.